




Broj protokola:0202-641/24
Sarajevo, 19. 04. 2024.

SKUPŠTINA KANTONA SARAJEVO

Predmet: Odgovor na zastupničku inicijativa



Poštovani

Slijedom Vašeg dopisa broj : 01-04-5869-72/24, OD 04.04.2024. vezano za inicijativu uvažene zastupnice Jelene Pekić obavještavamo Vas sljedeće:

JU Zavod za bolesti ovisnosti (u daljnjem tekstu Zavod) tretira sve pacijente kojima je izrečena mjera obaveznog liječenja ovisnosti o alkoholu i psihoaktivnim supstancama – drogama, na dobrovoljnoj osnovi, kroz sve raspoložive oblike liječenja: hospitalni tretman (zatvoreno odjeljenje) , Savjetovalište (ambulantno) , Dnevna bolnica, te grupe za maloljetnike.

Dakle u Zavodu za bolesti ovisnosti već postoji tretman liječenja maloljetnika:

- Maloljetne pacijente uglavnom dovode roditelji/staratelji u naše Savjetovalište gdje bivaju uključeni u individualne i grupne psiho- terapijske i socio- terapijske oblike rada, a po procjeni situacije , uključuje se cijela porodica u porodičnu terapiju.
- Kod maloljetnih lica dijagnostički dominiraju poremećaji ponašanja, emocionalna nestabilnost i nezrelost, depresivni i anksiozni poremećaji, adolescentne krize, te potencijalni razvoj psihotičnih stanja. Najčešće su zastupljena komorbiditetna stanja (udruženo dva ili više oboljenja), što se sprovodi na specijaliziranom odjelu za Dječiju i adolescentnu psihijatriju na KCU Sarajevo. Zajedničkom saradnjom naše Ustanove i Dječije psihijatrije pratimo stanje mladih pacijenata (konzilijarni pregledi, kontrolni pregledi) ,nakon čega pacijenti nastavljaju tretman u Zavodu u specijaliziranim grupama namijenjenim isključivo maloljetnicima.
- Upravo je period puberteta i početka adolescencije , vrijeme eksperimentiranja i štetne zlo/upotrebe alkohola i psihoaktivnih supstanci, ali ovisnost se u punom značenju te riječi ne razvija do 18 godine života. To je razlog zbog kojeg naša ustanova nije nikada hospitalno (zatvoreno odjeljenje) tretirala maloljetnike jer postoji visoki rizik da se u hospitalnom (zatvorenom) okruženju maloljetnici nađu i provode vrijeme sa dugogodišnjim hroničnim ovisnicima kriminogene prošlosti i “dilerima”. Sve navedeno bi imalo štetan utjecaj za potencijalne nove, mlade ovisnike.

U Zavodu za bolesti ovisnosti se liječe i ovisnici kojima je izrečena mjera obaveznog liječenja od strane nadležnog suda:

- Već dugi niz godina od strane Kantonalnog suda i kantonalnih centara za socijalni rad bivaju upućeni ovisnici sa izrečenom obaveznom mjerom liječenja od ovisnosti. Zavodu se isključivo upućuju punoljetni pacijenti, uglavnom zbog nasilja u porodici ili počinjenih krivičnih djela pod dejstvom alkohola i droga. Na žalost, veći dio njih nikada se ne javi na liječenje, jer je isto dobrovoljno, te bivaju procesuirani sudskim putem.
- Kada su u pitanju maloljetnici nismo nikada imali iskustvo upućivanja istih na liječenje od strane suda. Prema našim saznanjima takvi pacijenti se liječe u KCU Sarajevo na Dječijoj i adolescentnoj psihijatriji, a neki budu smješteni u Ustanovu za socijalno zbrinjavanje, odgoj i obrazovanje – HUM u Sarajevu, gdje je također angažiran naš ljekar specijalista psihijatar kao stručni saradnik, jednom sedmično.

Iz navedenog se vidi da se u Zavodu tretiraju počinioci krivičnih djela koji su ista počinili pod utjecajem alkohola ili opojnih droga **isključivo dobrovoljno, a ne prisilno, što sud koji izriče mjeru obaveznog liječenja naknadno procesuiraju sa svoje strane,**

Kao ustanova blisko saradujemo sa Psihijatrijskom klinikom, Odjeljenje za dječiju i adolescentnu psihijatriju i Ustanovom za socijalno zbrinjavanje, odgoj i obrazovanje – HUM, koji hospitaliziraju i zbrinjavaju maloljetnike sa psihičkim poremećajima i drugim komorbiditetnim psihičkim poremećajima, a Zavod po stabilizaciji istih nastavlja sa tretmanom ovisnosti na Dnevnoj bolnici Zavoda i kroz specijalizirane grupe maloljetnika i njihovih porodica.

Još jednom pozdravljamo ovu inicijativu, te se nadamo da ćemo kroz Kantonalnu strategiju i Akcioni plan za sprječavanje i suzbijanje zloupotrebe opojnih droga čiji smo sudionici, doći do najboljih rješenja za sigurnost mladih i građana u Kantonu Sarajevo.

S poštovanjem,



**Direktorica Zavoda
Prof. dr. sci. med. Rasema Okić**

Nahorevska 173, Sarajevo; tel: 033 257 750; fax: 033 257 751

e-mail: zalcnarc@bih.net.ba

www.zalcnarc.net